

新輯靈邱縣補志序

志之曰補增也續也蓋以事有倡始必有續增
在天時有暑往寒來在地理有興廢變遷人情
物理大抵皆然故邑之有志猶國之有史一切
事蹟理宜隨事記載所以使疆域沿革賦額丁
徭戶口之盛衰地方之興廢以及士習民風名
流治蹟忠孝節義之氣衣冠文物之遺足以備
採風而昭示來茲也靈邑爲晉之邊鄙地雖彈

九當三關之門戶實四達之要衝周代以來中間隸晉分趙創漢淪金迭相更易興廢不常迨迄前明又屢遭兵火地震城關之傾塌村堡之蕩然當宋令倡志之初正烽火兵禠之餘迨岳令重訂之次雖干戈已定然休養未久一切草創未全故志雖成書而事旣脫漏記載亦畧而不詳歷年而計距今已閱甲子三周有奇其間之守土於斯者未始無名賢積學何置志之廢

而不修者實緣地方簡陋補輯爲難茲蒙

爵撫憲以三晉迭遭兵祲賦役兵防多有更變

奏准纂修全省通志並令州縣一體編輯補志以
便彙纂省志等因當奉文之始適值浙東葉君
權篆於斯未及舉辦旋即卸事余於光緒己卯
之冬來令是邑徵閱志卷爰集紳士勸諭籌商
竊幸邊陲小邑不乏賢才咸各感悅樂從成此
善舉雖事尙易辦無功虧途廢之憂而代遠年

湮實採訪搜羅不易兼之執筆爲難非余所敢
獨任用是博採羣議互相討論考舊志四帙八
卷條目五十有八記載雖畧然天文地理賦役
兵防以及方輿建置秩官人物事事皆備其中
之悉循其舊無須增損更易者如天文之象緯
躔度地理之山川形勝以及古蹟風俗一則前
令已考正無訛一則舊志之詳載已具其他如
賦役兵防方輿建置以及秩官人物旣今昔之

迥異復損益之有差亟宜續而補之以期文獻
有徵夫補志者何曰存舊志之記載不易補新
志之事蹟續增以一縣之前後分載旣存昔
而補今則兩志並行不悖事蹟彰而闕漏無是
皆

列憲慮重訂之不易念經費之難籌省工易辦
之善意耳補輯已成互叅考究雖岳令重纂以
後之續增事蹟均已搜盡無遺而宋令倡志以

前之脫漏闕遺竟至訪無踪跡雖間有村耆野
老敘述一二類多荒誕無據之詞不敢妄加附
會甯從削而勿敘以期事求真確甯淺近而質
樸勿尙粉飾文辭蓋以地處邊陲屢來之興革
靡定而重耕輕讀古今之文獻無徵爰掇數言
以誌顛末是爲序

豈在

光緒七年歲次辛巳之春知靈邱縣事關中雷

棣榮譔

靈邱縣補志

卷八

三

靈邱縣補志

例言

按志乘類皆史法故列目鮮不出表傳記畧之名而舊志卷目名雖有八統目之爲志者本與志乘制體不符今補志者不過續其遺緒補其新增應依舊式規模分門編輯以期前後並觀不亂無顛倒舛錯之訛然其中之記載訛漏制義不符者允宜稍加釐正庶幾名與義合觀覽易明非所以別出新裁竄易舊目至如舊本之

方興建置賦役兵防以及名宦人物等目之曰
志者悉遵成式其他秩官志乘類皆表體原以
紀年經事緯不虛占篇幅易以流覽之省文也
舊本旣目曰志亦非制義不符應循其舊惟甲
第鄉舉貢途國學等志之於人物未免謬誤應
宜釐而正之茲按史法以甲科舉貢另纂選舉
一志其他由異途入仕不論文武附列仕籍一
門並以援例之貢監職銜以及封贈蔭襲附之
於末庶幾易以觀覽一目了然至若貞烈節孝

本有列女之傳惟舊目統名曰志未便竄易茲以列女附志於人物既無義名不合仍依舊式規模其倉廩雖創建於明代而移設係在乾隆年間他如書院試院考其設建之年又在移倉以後其餘滌水唐河舊志山川註內雖列其名而未詳近今之利害且壩臺堤堰築修又均在嘉慶道光之年有關地方政要均宜補而輯之惟舊本建置志內條目未備無從附入應遵憲札指示另載於補遺之志按舊帙統計上下

有四列分八卷條目五十有八今卷目悉循其
舊惟以科名舉貢增纂選舉一門書院倉廩另
載補遺一志而方輿志之星野形勝以及古蹟
風俗歲時建置志之津梁食貨志之物產名宦
志之功業武備志之邊警關塞逆變人物志之
流寓藝文志之詔引議辯文啟等或考證已確
無須異議更張或記載已詳別無增添補註其
他採訪無踪搜羅絕跡旣無增新別古應刪冗
目之繁今則補輯成篇上下仍分四帙列卷增

之爲十卷首仍冠以圖圖皆開方爲邑境總圖
一以正疆域爲四鄉分圖四以詳村堡爲城池
公署圖三以示地勢其他圖學宮舊本均已圖
繪至於景物樓臺尤屬無關政要悉不重登摹
繪以省篇幅之繁惟於補遺志內添繪倉廩一
圖以詳儲備書院試院一圖以植文風而振士
習復爲唐水滌水之圖以示河防水源之利害
其餘條目悉循成本祇將舊目之賦役更列兵
籍之前新纂之選舉附志秩官以後序次雖稍

竄易體制仍依舊式俾觀覽者易以參稽兩志
並行不亂也

靈邱縣補志校刊職名

總裁

前靈邱縣知縣雷棣榮陝西同州府朝邑縣

人

署靈邱縣知縣嚴潤林陝西西安府渭南縣

人

纂修

候選州同陸泰元浙江

人

分修

靈邱縣訓導喬高林忻州定襄縣

人

前署靈邱縣典史吳立安徽甯國府涇縣

人

靈邱縣典史張思溫直隸順德府鉅鹿縣人

採輯

邑廩生劉坤

候選訓導邑貢生白銜華

前署陽城縣訓導邑拔貢劉懋功

參閱

任屯留縣訓導邑舉人聶瀛

欽選明通邑舉人劉勸功

邑歲貢生李迎旭

校正

刑部主事邑拔貢 王遵文

分校

邑 恩貢生 丁檢

邑庠生 李振基

採訪

邑貢生 陳玉品

邑貢生 劉致道

邑庠生 楊兆榮